

## Nsenga - Anakazi Malembo - Wives Scriptures

Aifeso 5:22-24 Mwewo anakazi, muwomvwila analume wānu ngani mwamumvwila Asikulu. 23 Pakuti mwanalume ni mutu wa mkazi wake, ngani Kristu ni mutu wa Mpingo wamene uli muŵili wake, nipo yeve mwine ni mpulumushi wa Mpingo. 24 Tetyo, anakazi awomvwila analume wāwo pa vonse ngani Mpingo umvwila Kristu.

Aifeso 5:31,33 Pala Malizu ūa Mulungu olaŵila kuti, "Ni cikomo cake mwanalume okosiya awisi na anyina na kuyopatikizyana na mkazi wake, nipo aŵili aŵa akaŵe muŵili umo." 33 Koma olaŵila soti va mwewo, kuti mwanalume aliyense awotemwa mkazi wake ngani mwakulitemwela mwine, nipo mwanakazi awoyopa mulume wake.

1 AKolinto 7:3-5 Mwanalume atweshe tetulo yonkhala malo wāmo na mkazi wake, nipo soti mwanakazi acite cimozi-mozi ku mulume wake. 4 Mwanakazi aliye ulamulilo wa yeve yeka pa muŵili wake, koma mwanalume. Nipo mwanalume aliye ulamulilo wa yeve yeka pa muŵili wake, koma mkazi wake. 5 Osakanana, koma tyala mukamvwana kucita tetyo pa kansita, kuti muzitwale mu malombelo. Pa vuli pake muŵe soti malo wāmo, kuyopa kuti Satana angakuyezyeni cikomo cokangiwa kuzilesha.

1 AKolinto 7:34 Tetyo, nzelu zake ni zomwazyikana. Mwanakazi wosalungula, keno msimbi, oyika nzelu ku vinthu va Asikulu, kuti aŵe mtuŵa mu muŵili na mu mzimu. Koma mwanakazi wolunguliwa oyika nzelu ku va pano pansi, kulingilila mwangatemweshele mulume wake.

AKolose 3:18 Mwanakazi aliyense awomvwila mulume wake ngani mwakuwamila kucitila akuŵa mwa Asikulu.

1 Timoteyo 2:11-15 Anakazi posambizyiwa, aŵekuŵa celele na mtima wolicefy. 12 Nulolalini kuti mwanakazi akosambizya keno kuŵa na ulamulilo pa analume. Mwanakazi kwake ni kuŵa celele. 13 Pala Adamu niye etatikila kulengewa, pa vuli pake Eva. 14 Nipo Adamu aliyalizyiwe wenye, koma mwanakazi wala niye etalizyiwa wenye, nofwaya tetulo ya Mulungu. 15 Koma mwanakazi akapulumuke kupitila mukuvyala wāna, malinga akakoselela molicefy mu cicetekelo, mucithemwa na kutuŵa mtima.

Gn. - Genesis 3:16

1 Petulo 3:1-6 Cimozi-mozi mwewo anakazi, muwozomela ulamulilo wa analume wānu. Tetyo, cukanga ayakine okana kumvwila Malizu ūa Mulungu, unkhalo wanu wa umulungu uŵalaŵizye paliye kufumya malizu

aliwonse. Akopeke wêka, 2 pakuti akowona wêka unkhalo wanu wa mcinzi na uliye cimo. 3 Kuliwamya kwanu kusawê kwa mwamuwonekela kunja pomanga sisi, novwala va golide na vovwala vodula. 4 Koma kuliwamya kwanu kuwê kwa mkatî, kuwama kosasila kwa mtima wolezya na wa celele. Moyo woteti ni wa patali pa meno pa Mulungu. 5 Umu niye mwenzoliwamyila anakazi wâ macezo wala atuwa mtima, wocetekela Mulungu nipo enzomvwila analume wâwo. 6 Sala enzomvwila Abulahamu, nomuyita kuti, "Asikulu wângu." Tetyo, namwe mwewo anakazi, nimwe wâna wâ Sala, keno mucita luweme, osazomela kuyofyewa na kanthu kalikonse.

Tito 2:1-5 Koma wewo Tito, uwosambizya vokatizyana na cisambizyo cendi. 2 Uwuzye analume akulukazi kuti awokuwa wosakolwa, awocita va cikulu, wâ malingililo wâ nzelu, otang'a pa cicetekelo, pa cinthemwa na pokoselela. 3 Cimozi-mozi anakazi akulukazi, uwawuzye kuti awokuwa na unkhalo uwamila anakazi atuwa mtima. Asawê olaŵilila ayawo viyipa keno wâzya wâ ucakolwa. Awe alangizi aweme, 4 kuti tetyo atweshe kusambizya asimbi kutemwa analume wâwo na wâna wâwo. 5 Awâsambizye kuwa na malingililo wâ nzelu, aliye kacenche, osamala luweme va pa banja, na womvwila analume wâwo. Pamene apo wânthu angatafulilelini Malizu wâ Mulungu.

1 AKolinto 11:5-7,10 Keno mwanakazi olomba, keno oŵilizya Malizu wâ Mulungu, wosavwala kanthu ku mutu, otafulila mutu wake. Kucita tetyo, kusiyanalini na kugela mpala. 6 Keno mwanakazi ovwalalini kanthu ku mutu ni ciweme kugela sisi yake. Nipo keno ni comvwisha nsoni mwanakazi kugela sisi, apo niye patiavwale kanthu kuvwinikila mutu wake. 7 Ku mwanalume, paliye cikomo covwalila kanthu ku mutu, pakuti ni cipazyo ca Mulungu nipo soti owonesha ulemelelo wa Mulungu. Koma mwanakazi owonesha ulemelelo wa mwanalume. 10 Lomba, cikomo ca angelo, mwanakazi akovwala kanthu ku mutu, kuti ciwê ciziŵikilo ca mcinzi wake.

My. - MaLinganizyo 12:4; 14:1; 19:13; 21:9,19; 25:24; & 27:15,16 - contentious & angry Anakazi

My. - MaLinganizyo 31:10-31 - The Virtuous Anakazi